



Republic of the Philippines  
Department of Education  
Region V (Bicol)  
**DIVISION OF CATANDUANES**  
Virac, Catanduanes  
Email Add: catanduanes@deped.gov.ph/catanduanesdiv15@gmail.com  
Website: www.depedrovcatanduanes.com Tel No.: (052)811-40-68

RELEASED

DepEd, Division of Catanduanes

RECORDS SECTION

Date JAN 21 2019



Enero 19, 2019

**MEMORANDUM PANSANGAY**


Blg. 24, s. 2019

**NOMINASYON PARA SA PAGGAWAD NG PARANGAL SA ULIRANG GURO SA FILIPINO 2019**

Sa mga: Tagamasid Pampurok  
Pinuno ng Paaralan (Elementarya at Sekundarya)

1. Para sa taunang gawad na ibinibigay ng Komisyon Ng Wikang Filipino (KWF) sa mga natatanging guro sa Filipino na nagpamalal ng husay at inisyatiba sa pagpapalaganap ng wikang Filipino, ang opisina ng Dibisyon ng Catanduanes ay humihimok sa lahat ng pinuno ng paaralan, elementarya at sekundarya na magbigay o magpadala ng **nominasyon** para sa paggawad ng parangal ng KWF sa taong ito.
2. Kalakip ng nominasyon, ang nominadong aplikante ay kailangang magsumite ng mga sumusunod:
  - a. Pormularyo ng aplikasyon at
  - b. Komprehensibong Curriculum Vitae
3. Ang huling araw ng pagsumite ng mga nominasyon/aplikasyon ay sa Hulyo 19, 2019. Makipag-ugnayan para sa mga katanungan at sa iba pang detalye kay Dr. Ma. Gina M. Templonuevo, EPS I (Filipino).
4. Kalakip ng Memorandum na ito ang mga mahahalagang detalye kaugnay ng pagpili ng Ulirang Guro sa Filipino 2019.
5. Hinihiling ang malawakang pagpapabatid ng Memorandum na ito.

*for*  
SOCORRO V. DELA ROSA, CESO VI  
Tagapamanihala



## BISYON

Wikang Filipino:

Wika ng Dangal at Kaunlaran

Ang Ulirang Guro sa Filipino ay taunang gawad na ibinibigay ng Komisyon sa Wikang Filipino sa mga natatanging guro na nagpamalas ng husay at inisyatiba sa pagpapalaganap ng wikang Filipino sa kani-kanilang komunidad. Maaaring lumahok dito ang mga guro sa iba't ibang rehiyon o mga lalawigan sa buong Filipinas na nagtuturo ng iba't ibang disiplina na gumagamit ng Filipino bilang midyum ng pagtuturo.

## MISYON

Itaguyod ang patuloy na pag-unlad at paggamit ng Filipino bilang wikang pambansa hábang pinangangalagaan ang mga wikang katutubo ng Filipinas tungo sa pagkaikauawaan, pagkakaisa, at kaunlaran ng sambayáning Filipino.

# ULIRANG GURURO SA FILIPINO

-2019-

Gusali Watsop, 1616 Kalye, P. Laurel San Miguel, Maynila 1005  
(02) 736-2525/24-736-2519/734-5547-736-3830/733-7260-5160/326  
[www.kwf.gov.ph](http://www.kwf.gov.ph) / [kwf55@gmail.com](mailto:kwf55@gmail.com)

# TUNTUNIN

1. Bukas ang timpalak sa lahat ng gurong nagtuturo gamit ang wikang Filipino bilang modyum ng pagtuturo sa anumang asignatura o disiplina, mula elementarya hanggang tersiyarya, maliban sa mga kawani ng KWF at mga direktor ng Sentro ng Wika at Kultura (SWK) at kanilang mga kaanak hanggang ikalawang digri (degree).
2. Bukod sa indibidwal na aplikasyon, maaaring magpadala ng nominasyon ang mga Tagapamamihala ng Paaralan, Prinsipal, at Pangulo ng kolehiyo/unibersidad.
3. Ang mga aplikante ay kinakailangang magtaglay ng sumusunod na katangian:
  - a. May hawak na kaukulang lisensiya (LET para sa nasa antas sekundarya at elementarya, masterado o yunit sa MA para sa kolehiyo), full-time, at may permanenteng istatus.
  - b. Nakapaglingkod nang tatlo (3) o higit pang taon bilang gurong nagtuturo gamit ang Filipino at kasalukuyang nagtuturo sa anumang antas ng edukasyon at may antas ng kahusayan (performance rating) na hindi bababa sa Very Satisfactory sa buong panahon ng paglilingkod.
  - c. May makabuluhang ambag sa mga saliksik pangwika at pangkultura ng rehiyon. (Bigyan ng malaking puntos ang mga nagawang saliksik lalo na sa agham at ibang disiplina).
  - d. Nakapag-ambag sa pagpapalaganap at promosyon ng wikang Filipino at/o mga wika at kultura sa larangan ng pagtuturo sa kanilang komunidad sa pamamagitan ng publikasyon, seminar, pagsasanay, palihan, at iba pang katulad na gawain.
  - e. Nanguna sa pagpapahalaga sa pamahang pangwika at pangkultura ng Filipinas kaagapay ng pagtataguyod at pagpapaunlad sa wikang Filipino.
  - f. Nanguna sa paggamit at pagpapalaganap ng *Ortograpiyang Pambansa*. (Minamarkahan batay sa paggamit ng *Ortograpiyang Pambansa* sa pagsulat ng saliksik at korespondensiya opisyal.)
  - g. Nakatanggap ng parangal at/o iba pang gawad kaugnay sa kaniyang propesyon (opsiyonal).

4. Para sa Paunang Pagpili (Preliminary Judging):
  - 4.1. Maaaring magpasa ang paaralan/dibisyon ng higit sa isang nominasyon. Ang bawat nominado at aplikante ay kailangang magsumite ng sumusunod:
    - a. Pormularyo ng aplikasyon; at
    - b. Komprehensibong Curriculum Vitae.

(Ang pormularyo 2019 at template ng CV 2019 na maaaring ma-download sa: [www.kwf.gov.ph/ulirang-guro-sa-filipino-2019](http://www.kwf.gov.ph/ulirang-guro-sa-filipino-2019))

- 4.2. Ang huling araw ng pagsusumite ng mga nominasyon/aplikasyon ay sa **1 Hulyo 2019**.

Ipadala sa email adres na [kwf:ssg@gmail.com](mailto:kwf:ssg@gmail.com)

o sa opisina ng KWF sa adres na

Lupon sa Ulirang Guro 2019  
Komisyon sa Wikang Filipino  
Gusali Watson, 1610 Kalye J.P. Laurel  
1005 San Miguel, Maynila

o sa pinakamalapit na Sentro ng Wika at Kultura (SWK) sa inyong lugar.

5. Ang mapipili sa Pre-judging na susulatan ng KWF ay kailangang magsumite sa o bago ang **2 Agosto 2019** ng sumusunod:

- 5.1. Rekomendasyon mula sa immediate superior ng kaniyang paaralan na naglalahad ng sumusunod:

- a. Katunayan ng kagalingan bilang guro sa Filipino o guro na gumagamit ng Filipino sa kaniyang pagtuturo na may makabansa at makataong kamalayan.

- b. Katunayan ng No Pending Case at hindi naakusahan at napatunayang nagkasala sa anumang kasong administratibo, sibil, o kriminal.

- 5.2. Kopya ng Performance Rating na hindi bababa sa Very Satisfactory (VS).

- 5.3. Folio ng natanggap na gawad/pagkilala, kopya ng mga pananaliksik, publikasyon (aklat, journal, palyayag pangkampus, atbp) mga naisagawang seminar o palihan, mga nadaluhang seminar o palihan, at iba pang proyektong may kaugnayan sa wika at kultura.

- 5.4. Kung nagtuturo ng ibang disiplina, ilakip ang mga patunay na nakapagtuturo gamit ang Filipino. Hal, modyul, banghay-aralin, silabus, pagsusuli, at iba pang kagamitang pampagtuturong nasusulat sa wikang Filipino.
- 5.5. Kung sa KWF isusumite ang lahok, kailangang magsumite ng hard file copy ng mga dokumento at soft copy na nasa C.D. Ipadala sa adres na nakalagay sa 4.2.
- 5.6. Kung sa tanggapan ng Sentro ng Wika at Kultura (SWK) ipadadala ang lahok, kailangang magsumite ng dalawang (2) hard copy file at soft copy file na nasa isang C.D. Maiiwan ang isang kopya ng hard copy file sa tanggapan ng SWK.
6. Isasama sa mga nominado ang mga nominasyon noong nakaraang taon (2018) na mag-a-update ng kanilang mga dokumento. Ngunit kung walang idadagdag sa mga dokumentong naipasa noong nakaraang taon, hindi na ito isasama.
7. Hinihikayat na muling magsumite ng mga lahok ang mga sumali noong taong 2014 hanggang 2018 sa gawad na ito maliban sa mga nanalo na.
8. Makatatanggap ng medalya at katibayan ng pagkilala ang mga mapipiling Ulirang Guro sa Filipino. Sasagutin din ng KWF ang transportasyon at akomodasyon ng nanalo sa pagdalo sa Araw ng Gawad.
9. Ang pasya ng inampalan ay pinal at hindi na mababago. Lahat ng isumiteng lahok, nanalo man o natalo, ay hindi na ibabalik ng KWF.
10. Para sa karagdagang tanong at detalye, mangyaring makipag-ugnayan sa:

**Komisyon sa Wikang Filipino**  
Gusaling Watson, 1610 Kalye J.P. Laurel  
San Miguel, Maynila  
Telepono: (02) 243-9855  
Email: [kwf:ssg@gmail.com](mailto:kwf:ssg@gmail.com)  
Website: [www.kwf.gov.ph](http://www.kwf.gov.ph)